



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 6. Articuli secreti Fœderis adversus Venetos.

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)

goniæ itidem suum Oratorem eo decre-
verant: totum vero negotium præcipue
Cardinalem inter, & solum Sabaudia
Ducem concludebatur, ceteris nonnisi,
quæ inter ambos discussa, atque conclu-
sa fuerant, rata habentibus.

Sæcul. XVI.
A. C 1508.

§. VI.

*Articuli secreti fœderis adversus
Venetos.*

Cum supervacaneum existimem concor-
diæ leges cum Geldriæ Duce initas
impræsentiarum recensere, solum memo-
rabo fœdera contra Venetos hunc in
modum perscripta. I. Sit mutua armo-
rum societas inter summum Pontificem,
Galliarum, & Arragoniæ Reges eo fine,
ut ditiones, & loca, quæ Veneti singulis
eripuerunt, denuo vindicarentur. Red-
dantur ergo summo Pontifici urbes, quas
ii in Romandiola adversus Sedem Apo-
stolicam usurparunt, erant autem Ravenna,
Cervia, Faventia, Ariminum, Forum Cor-
nelii, & Cesena; Imperatori vero resti-
tuantur Roboretum, Verona, Patavium,
Vicentia, Trivisum, & Forum Julium:
ad Galliarum Regem redeant Brixia,
Crema, Bergomum, Cremona, & Gera-
dada, cum singulis locorum territoriis,
quæ antiquitus Mediolanensis Ducatus
erant. Pariter Arragoniæ Rex recuperet

*Hist. de la
Ligue de
Cambray
vol. 2. Paris.
1709. tom I.
lib 1 p. 50.
Marian hist.
His. lib. 29.
n. 65.*

Secul. XVI
A.C. 1508.

Tranum, Brundusium, Otrantum, & Gallipolin cum omnibus portibus, quos Veneti in Neapolis Regno occupaverant. II. Die prima Aprilis anno sequenti Fœderati Principes instructos exercitus suos in aciem educant; cum autem Maximilianus triennales inducias antea cum Venetis inierit, Papa Maximilianum, ut violati pacti causam habeat, velut Ecclesiæ Romanæ clientem evocet, ut ad recuperandas Ecclesiastici imperii urbes opem ferat. III. Cum hi tres Principes Venetos profanis armis aggressuri sint, simul Pontifex indicta anathematis poena ad usurpatorum restitutionem Rempublicam compellat, statumque interdicto subjiciat. IV. Hungariæ, & Angliæ Reges, necnon Sabaudia, ac Ferrariæ Duces, unacum Mantuano Marchione, ut & ipsi fœderi accedant, sollicitentur. V. Durante bello nec Cæsar, nec Hispaniæ Princeps ejusdem Nepos ullo pacto Aragonum Regi molestiam inferat ob jura in Castellæ regnum, quod Joannæ Hispaniæ Principis Matri parebat. VI. Maximilianus Ludovico XII. novam Mediolanensis Ducatus inaugurationem concedat, in qua etiam Brixia, Bergomum, ceteræque ejusdem Ducatus urbes a Venetis repetendæ comprehendantur. VII. Si Respublica a Turcis subsidia imploret, Fœderati auctis viribus tanquam sacra

ora expeditione adversus infideles sumpta eam persequantur. VIII. Foederatorum Principum nullus absque ceterorum assensu pacem, vel inducias cum Venetis paciscatur. IX. Denique ne contentio, quæ Cæsarem inter, ac Regem Catholicum tunc gliscebatur, foederis consilia, atque successum everteret, communi utriusque suffragio feligantur Commissarii, quorum opera, peracto cum Venetis bello, lis amica compositione dirimatur.

Sæcul. XVI.
A. C. 1508.

§. VII.

Sabaudia ac Ferraria Duces, nec non Mantua Marchio Foederi accedere rogati.

Præterea inter eos sancitum, quod etiam Sabaudia Dux, ut foederi nomen daret, sollicitetur, hunc vero ut eo facilius inducerent, promissi amplitudine apud eum plurimum valitura sibi concilient, spe eadem facta, illum foederatorum ope regnum Cypri, quod a Venetis occupatum, suum esse contendebat, facile recuperaturum; igitur Sabaudia Dux coronæ, cujus jacturam ægerrime ferebat, fiducia captus, Foederatorum votis lubens acquievit. Nec difficiliter expugnabatur Ferrariensis, ac Mantuani Ducum constantia; cum enim illi plurimas urbes,

Hist. de la Ligue l. cit. p. 87. Et suiv. Marim. l. 29 Guicc lib. 8.